

Erich Bolinius

Erich.Bolinus@t-online.de

**(Bericht über den BSV Kickers Emden - Sendung „Flutlicht“ auf Radio Ostfriesland
Donnerstag, 26.4.2012 18.05 Uhr auf 94.0 bzw. 87,7)**

Leev Toehörers,

van de 1. Mannskupp van Kickers Emden kann ik keen Spölbericht geven. Of dat de komende Week mögelk is, weet ik neet. Wall will Bückeburg tegen Kickers Emden in de Oberliga Neddersassen antreden, man de Vörstand van Kickers maakt de Kösten sorgen. Immerhen kann Kickers disse Spöl ofseggen, ohn dat dat Folgen vör de Mannskupp hett. Eerst wenn Kickers dree Spölen ofseggt, dann komen se in de komende Saison neet in de Landesliga. Aber sowiet lett de Vörstand dat ja wirs neet komen. För de Spölers, de unner Trainer **Uwe Groothuis** immer so flietig traineren, was dat seker moi, weer mall 'n Spöl toe maken. Wachten wi also of, wo dat up Enn enskeddt word.

Man kört Spölberichten van dree Jögdmannskuppen van Kickers Emden much ik vandaag geven.

Anfangen doe ik bi de **C-Junioren**. De hebben mit 2:0 in Lohne wunnen. De Sieg was ansük neet toe verwachten, steiht BW Lohne doch up de 4. Stee in de Landesliga. Lohne harr anfangs Bült mehr van 't Spöl. Man Emdens goed Torwart **Alexander Bartels** hull einfach alles. Eerst na de Pausentee wurr dat Spöl van Kickers Emden beter. Dat lag ok doran, wall **Benjamin Neziraij** inwesselt worden was. Nu wurr in dat Middelfeld faak heel moi kombineert. Al in de 48. Menüte skoot **Tido Janssen**, na 'n moi Pass van **Florian Harberts** dat 1:0 för Kickers. In de 55. Menüte dann al dat 2:0. Na 'n Ecke knallt Benjamin Neziraij de Ball unner de Latt. De Gastgeber gaffen noch maal alles. Man, as de Emder Torwart al slaan was, kunn **Milon Buckiewicz** de Ball noch van de Torstreek sketen.

De **B-Junioren** verloren hör Spöl tegen MTV Lünebürg up egen Platz mit 2:4. In de 14. Menüte gung de Gast al in Föhren. As **Janek Grünebast** dörgeiht, word he umhauen. De Lünebürg bekummt dorför de Rood Kaart. Kickers störmte un störmte, man 'n Tor wull neet fallen. In de 43. Menüte full dann dör 'n Konter dat tweed Tor för de Gast. **Jonas Petersen** kann up 1:2 verkörten un in de 49. Menüte timmert Grünebast de Ball unner de Latt toe dat 2:2. Twee Menüeten vör Schluss dann de koll Dusche. Lünebürg skütt in disse Tied noch 2 Toren. Dat harr neet nödig daan, wassen sük all Toekiekers eenig.

De-U19 van Kickers Emden mook dat beter. Se wunn bi SV Ramlingen mit 4:0. In de eerst halv Stünn dee sük neet völ. As sük all mit 'n 0:0 in de Halvtied offunnen harren, kunn **Tido Steffens** dat eerst Tor för Kickers skeeten. Twee Menüeten na de Halvtiedpaus was dat weer Steffens, de na 'n Flank van **Eike-Patrick Stolz**, dat tweede Tor skoot. De Jungs van Kickers Emden spölten nu einfacher un kombineerten ok moi. **Lieven Treuke** skoot dat dart Tor un **Kaptein Batbay** verwannelte 'n Elfer toe de Ennstand van 4:0 för Kickers. In de lesd tein Menüeten wurr ok noch Torwart **Renè Carstens**, de ansük in de eerste Mannskupp spölt, as Feldspöler inwesselt. BSV Betreuer **Arno Janssen** was mit dat Spöl hoog toefree.

Kickers Emden is mien Jögdmannskuppen up de recht Padd, meen ik. Hopentlik blifft dat in Toekummst ok so.

So nu noch, as alltied, noch 'n kört Foetballwitz:

Na de lesd Spöl van Hertha BSC, de weer maal verloren worden is, maakt Trainer Otto Rehagel mit sien Mannskupp 'n Rundgang dör dat Stadion.

„So Jungs“, seggt he, „wor de Fotografen sünd, dat weten ji ja. Wor de Fernsehkameras stahn, weten ji ok - nu wies ik joe noch wor de Toren stahn.“

So, leev Toehörers van Radio Oostfreesland,
ik hoop, Joe hett dat Plattdütsk gefallen, denn mien Motto heet ja alltied,
plattdütsk dürt nettso as Kickers Emden – neet unnergahn.

Bit anner Maal

Joe

Erich Bolinius

ut Emden-Petjem.